



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Præmittuntur quæ apud omnes sunt certa

[urn:nbn:de:hbz:466:1-77355](#)

eligit finem in quantum hujusmodi, sed tantum media qua ad illum ordinantur. Dixi, *in quantum hujusmodi*, quia sicut in speculativis quod in una demonstratione est principium, potest esse conclusio respectu alterius, ut patet in principiis scientiarum subalternarum, qui sunt conclusiones subalternantur; ita quod in una operatione est finis, potest ordinari ad aliquid ut ad finem, & tunc de illo, ut habet rationem medijs formaliter, rationem verò finis tantum materialiter, potest esse electio. Sicut sanitas, quam medicus non eligit, sed supponit tanquam principium medicinae, potest ordinari ad exercitium virtutis, & salutem spiritualem, & sub hac ratione eligi. Ex quo facile intelliges id quod ait D. Thomas supra qu. 6. art. 2. nempe quod *apprehensio fine aliqui potest, deliberans de fine, & de his que sunt ad finem, moveri in finem, vel non moveri*: potest enim aliquis deliberare de fine, non quidem quantum ad ipsam rationem formaliter finis, in communione & formaliter sumptu, quod est bonum conveniens ut sic (de hoc enim nulla est deliberatio, quia nulla est dubitatio, cum bonum omnes appetant sine deliberatione) sed de fine materialiter sumptu; quia nimis non semper sumus certi, sed possumus dubitare, & con sequenter inquirere & deliberare, in qua re inveniatur talis finis: sicut omnes desiderant beatem vivere, & tamen in qua re inveniatur ista beatitudo, multi dubitabant, at in divitis v. g. an in voluptatibus, an in Deo? Et similiter multi desiderant vitam recte instituere, sed an ista vita sit eligenda in coelibatu, vel in matrimonio, vel in studio, vel in militia, deliberatione subjicitur.

15. Advertendum est etiam, electionem duobus modis posse usurpari, primò impropriè & in larga quadam significacione, prout solum significat amorem unius rei pra multis, & inter multa; secundò strictè & propriè, prout significat amare unum propter aliud, seu acceptanceum unius pra alio ad finem obtinendum. Si primo modo electio accipiatur, non solum est de mediis, sed etiam de finibus, in quantum hujusmodi, imò & de ipso ultimo fine, sive vero, qui est solus Deus, sive falso, qui est bonum proprium ipsius peccatoris. Et secundum hanc electionis acceptancem intelligitur illud Deut. 26. *Dominum elegisti hodie, ut sit tibi Deus; & etiam illud Luca 10. Optimam partem elegit sibi Maria, que non auferetur ab ea: id est, aeternam beatitudinem, sive requiem in aeternum mansuram. Si autem secundo modo usurpetur electio, non est de fine, in quantum hujusmodi, sed solum de mediis, juxta illud Aristotelis 3. Ethic. *Voluntas finis est, electio eorum que sunt ad finem.**

16. Dico secundò, electionem non esse nisi de his que à nobis aguntur. Ita D. Thomas art. 4.

Probatur: Quamvis medium aliquando non sit actio nostra, neque res operabilis à nobis, at tamen semper subditus nostra actioni, aut potius actio nostra una cum re externa unum constituit medium: sicut enim intentio non tendit in finem absolute sumptum, sed in finem ut connotat actionem nostram, scilicet consecutionem & possessionem, eò quod tendat ad finem obtinendum; ita & electio tendit ad medium, non nudè, sed ut connotat operationem nostram, est enim id quod consequimur & obtinemus finem intentum, v. g. cum aliquis profectus Parisios assumit equum, equus nudè sumptus, non est medium conducens ad finem, sed potius

A equitatio. Ex quo patet hoc esse discrimen inter primam volitionem, intentionem, & electionem, quod prima volatio, cum sit simplex complacencia in objecto, potest esse de re qua à nobis non agitur; intentione vero & electio, quia respiciunt finem ut obtainendum ab appetente, tendunt ad rem operationis nostrae subjectam.

Dic tertio, electionem non esse de impossibili-
li, cognito ut tali. Est etiam D. Thomae art. 5.

Probatur primò: Electio non est nisi de his quae à nobis aguntur, ut ostendimus conclusione präcedenti: Sed ea quae per nos aguntur, sunt nobis possibilia: Ergo electio non est nisi possibili-
um.

Secundò probatur: Electio procedit ex intentione efficaci finis: Atque voluntas efficax non inclinat ad impossibilium: Ergo electio non est de impossibilibus.

Tertiò: Electionis objectum est bonum utile ut sic: Sed id quod est impossibile non est utile: Ergo non est objectum electionis.

Denique probatur conclusio: Electio est tan-
tum de his de quibus est consultatio, unde ab Aristotele *appetitus präconsiliati* appellatur: Sed consultatio non est de impossibilibus, ut patet: Ergo nec electio.

Dixi electionem de impossibili cognito ut tali: nam ut ait D. Thomas resp. ad 2. *Sicut quandoque voluntas est alicuius quod apprehenditur ut bonum, & tamen non est vere bonum; ita quandoque est electio ejusquod apprehenditur ut possibile eligenti, quod tamen non est ei possibile.*

Querunt hic aliqui, an saltē incirciter & conditionatē voluntas possit ferri in impossibile, cognitum ut tale? Sed de hoc egimus in tractatu

*Diſp. 13.
art. 3.*

ARTICVLVS III.

Vtrum ex duabus bonis possit voluntas eligere minus bonum, vel saltem equale?

S. I.

Premittuntur quæ apud omnes sunt certa.

CERTVM est primò, quod moraliter & regulariter loquendo, semper voluntas eligit id quod videtur melius: Tum quia homo ita inclinus est ad proprium commodum, & ad suæ voluntatis impletionem, ut regulariter ad id, quod ad finem intentum magis videtur conducere, toto imperio & pondere voluntatis feratur: Tum etiam, quia moraliter fieri nequit, ut facta sufficienti inquisitione, intellectus practicè judicet duo media ita esse aequalia, ut aliqua bonitas non appareat in uno, ratione cuius eminet supra illud, sive illa petatur ex differentia specifica, sive ex individuali, sive ex aliqua circumstantia, putat approximatione &c.

Secundò certum est, voluntatem posse responde id quod intellectus judicat speculativè majus bonum, & fieri in id quod speculativè judicatur minus: nam ille qui peccat, præfert bonum utile vel delectabile bono honesto, quamvis speculativè judicet bonum honestum longè esse præstantius. Unde optimè Basilius: *Quam vani & iniqui filii hominum in statibus, qui terrena cœlestibus, corporalia spiritualibus, temporalia aeternis anteponunt. Et Bernardus: Statara avaritia iniquissima est: plus enim in ea ponderat oblus quam Deus, plus numerus quam anima.*

A 3

DISPUTATIO NONA

Tertiò non est dubium, quin possit voluntas æquale & minus bonum eligere, relicto meliori, saltem mediatae, movendo scilicet intellectum ut novas rationes & motiva inveniat, propter quæ objectum, quod alias secundum se minus bonum, minimeque amabile videbatur, reddatur convenientius & melius, saltem apparenter, & sic eligat illud præ alio. Unde D. Thomas hic art. 6. ad 3. *Nihil prohibet, si duo aequalia proposuantur secundum unam considerationem, quin circa alterum consideretur aliqua conditio, per quam emineat, & magis flectatur voluntas in illud quam in aliud.*

21. Difficultas ergo reducitur ad hoc, an propositis duobus bonis, non solum speculativè & secundum se æquilibus, sed etiam practicè, & ex parte judicij & dictaminis practici intellectus, aut etiam propositis simul uno majori & alio minori, possit voluntas, non mutato judicio, nec novò motivò proposito, eligere illud quod ut minus bonum, vel ut æquale alteri proponitur? Ratio autem dubitandi est, quia cum voluntas sit potentia cœca, sequitur ductum rationis, & dictamen seu judicium practicum intellectus, unde si ille practicè judicet duo media esse æquæ utilia, aut unum minus & aliud magis utile, impossibile videtur quod voluntas in unum potius quam in aliud propendeat, & multò minus quod eligat dexterius, relicto meliori. Aliunde vero cum ipsa sit potentia libera, & a nullo objecto, præterquam à summo bono, clare viso, necessarii posse, ejusque libertas præcipue in electione consistat; videtur quod stante adhuc æquali aut meliori dictamine, medium æquale, aut minus bonum eligere possit.

22. Hæc difficultas Theologorum ingenia divisi, & in duas extremè oppositas coegerit abire sententias. Recentiores enim, ut Suarez, Valentia, Salas, & alij, existimant non posse libertatem voluntatis illasam servari, nisi presupposito ex parte intellectus iudicio practico de æqualitate vel inæqualitate mediorum, possit ipsa voluntas quocumque voluerit eligere, altero relicto, & in quamlibet parte in pro libito scipsum determinare. Thomista vero, quos sequuntur Vazquez hic disp. 43. cap. 2. & Bellarminus lib. 3. de gratia & lib. arbit. cap. 9. negant hoc requiri ad rationem libertatis, & docent esse impossibile, quod stante iudicio practico intellectus, dictantis melius & convenientius medium esse eligendum, voluntas minus bonum vel æquale eligat, sed si velit æquale aut minus bonum eligere, debere movere intellectum, ut novas rationes & motiva inveniat, propter quæ, id quod minus bonum vel æquale videbatur, melius & convenientius appareat: unde ait Bellarminus loco citato, *minus bonum posse eligi, si iudicatur magis.*

S. I. I.

Sententia negativa prefertur.

Dico primò, minus bonum, cognitum ut tale, & voluntati propositum, non posse eligi, relicto meliori.

23. Probatur primò ex Aristotele 3. Ethic. cap. 3. ubi ait: *Quod catervis ex consultatione præstabilitus, id eligibile est: Sed intellectus in consultatione, quæ electionem antecedit, nunquam preferit, nec præferre potest medium minus bonum & minus utile, cognitum ut tale, meliori*

A & utiliori; consultatio enim fit ad hoc ut intellectus inter se conferat media quæ invenit, & præferat illud quod judicat magis utile & accommodatum ad finem obtainendum: Ergo medium minus bonum & minus utile, cognitum ut tale, non potest eligi.

Confirmatur & magis illustratur hæc ratio: 24 Voluntas cum sit potentia cœca, non potest prosequi nisi objectum sibi ab intellectu propositum: Ergo non potest unum præelligere alteri, nisi intellectus judicet unum esse alteri præcligendum. Atqui (subfumo) repugnat quod intellectus judicet minus utile, apprehensum ut tale, utiliori & meliori esse præferendum: Ergo & quod voluntas illud per electionem alteri præferat. Major, & prima consequentia patent. Subfumptum verò probatur. Ratio eligibilitatis in mediis, non aliunde provenit, quam ex eorum utilitate, & proportione seu accommodatione ad finem: Ergo repugnat quod intellectus judicet medium illud esse magis eligible, & alteri præferendum, quod cognoscit esse minus utile, & minus accommodatum ad finis aseptionem.

Confirmatur amplius: Objectum movet voluntatem, eam alliciendo & trahendo; que motio metaphorica à Philosophis appellatur: Ergo non potest voluntas ferri in unum objectum, præ alio, illudque præelligere, nisi ex parte illius major tractio & allicientia objectiva reperiatur, & per consequens nisi aliquid melius & convenientius ab intellectu proponatur: talis enim tractio, seu allicientia & motio metaphorica, fit mediante bonitate & convenientia ab intellectu voluntati proposita; unde sicut incognita amare non possumus, ita nec præelligere ea quæ ut minus bona & minus utilia voluntati per iudicium practicum intellectus propounderuntur.

Probatur secundò conclusio: Voluntas non potest eligere seu velle malum sub ratione mali: At si eligeret medium iudicatum minus bonum, relicto meliori, eligeret malum sub ratione mali: Ergo &c. Major à nobis sufficienter demonstrata est suprà disp. 4. art. 1. Minor vero probatur: quia ut ait D. Thomas t. p. qu. 50. art. 1. ad 1. *Medium comparatum ad unum extreum, videatur alterum extreum; sicut tepidum comparatum calido, videatur frigidum: quam doctrina accepit ex Aristotele 3. physic. cap. 1. vbi ait: Medium est quodammodo ipsa extrema, ut media fidum, gravis ad ultimam dicitur, & acuta ad primam; fuscum etiam album ad nigrum dicitur, & nigrum ad album; & ex Damasceno lib. 2 de fide cap. 3. ubi docet Angelos dici immateriales & incorporeos, quantum ad nos; & comparatos cum Deo dici materiales & corporeos; & sic etiam crepusculum aliquando vocatur dies, aliquando nox, aliquando medium quid, & utriusque confinium: Atqui minus bonum est quasi medium inter majus bonum & malum: Ergo comparativè ad majus bonum, habet rationem mali; & per consequens si homo eligeret minus bonum, cognitum ut tale, relicto meliori, eligeret malum sub ratione mali.*

Probatur tertio: In electione non simpliciter aliiquid est volitum, sed unum est volitum, alio rejecto seu repudiato; unde si proposito medio meliori, & minus bono, voluntas istud eligeret, majus bonum cognitum ut tale repudaret: Sed repugnat quod voluntas majus bonum,